

05 OCTOMBRIE

**PARACLISUL
SF. CUVIOS
GRIGORIE
DE LA
KANȚA
GEORGIEI**



PARACLISIERUL PE OCTOMBRIE-GG



პარაკლისი ღირსისა მამისა ჩუენისა გრიგოლ ხანძთელისა

მღდელმან: კურთხეულ არს-ი

და უკეთუ ერისკაცია, იტყვს: უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა და ყოველთა წმიდათაჲთა, შეგვწყალებ ჩუენ, ამინ.

დიდებაჲ შენდა, ღმერთო ჩუენო, დიდებაჲ შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე აღავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვწყალებ ჩუენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალებ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგვნდვენ უშჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგვწყალებ. (3-გზის). დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ

თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიჰსნენ ჩუენ ბოროტისაგან.

მღდელმან: რამეთუ შენი არს სუფევად...

უფალო, შეგჳწყალენ (12-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა, მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვით ქრისტესა, მეუფესა და ღმერთსა ჩუენსა.

უფალო, შეისმინე ლოცვისა ჩემისაჲ, ყურად-იღე ვედრებაჲ ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებაჲ ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოჳჳსენე დღეთა პირველთაჲ, და ვიწურთიდ ყოველთა მიმართ საქმეთა შენთა და ქმნულსა ჳელთა შენთასა ვზრახევდ. განვიპყრენ შენდამი ხელნი ჩემნი, და სული ჩემი, ვითარცა ქუეყანაჲ ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო მათ, რომელნი შთავლენან მღჳმესა. მასმინე მე განთიად წყალობაჲ შენი, რამეთუ მე შენ გესავ; მაუწყე მე, უფალო, გზაჲ, რომელსაცა ვიდოდი, რამეთუ შენდამი აღვიღე სული ჩემი. მიჳსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რადთა ვყო ნებაჲ შენი, რამეთუ შენ ხარ ღმერთი ჩემი; სული შენი სახიერი მიძლოდენ მე ქუეყანასა წრფელსა. სახელისა

შენისათვის, უფალო, მაცხოვრო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარსწყმიდნე ყოველნი მაჭირვებელნი სულისა ჩემისანი, რამეთუ მე მონაა შენი ვარ.

დიდებაა მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ალილუია, ალილუია, ალილუია, დიდებაა შენდა ღმერთო.
ალილუია, ალილუია, ალილუია, დიდებაა შენდა ღმერთო.
ალილუია, ალილუია, ალილუია, დიდებაა შენდა ღმერთო ჩუენო, დიდებაა შენდა.

ღმერთი უფალი და გამოგვიჩნდა ჩვენ, კურთხეულ არს მომავალი სახელითა უფლისადათა.

მუხლი 1. აუვარებდით უფალსა, რამეთუ კეთილ, რამეთუ უკუნისამდე არს წყალობაა მისი.

მუხლი 2. ყოველი თესლები გარე მომადგა მე, და სახელითა უფლისადათა ვერეოდე მათ.

მუხლი 3. არა მოვკუდე, არამედ ვცხოვნდე, და განვსთქუნე მე საქმენი უფლისანი.

მუხლი 4. ლოდი, რომელ შეურაცხევეს მაშენებელთა, ესე იქმნა თავ კიდეთა, უფლისა მიერ იყო ესე, და არს საკვკრველ წინაშე თუალთა ჩუენტა.

ტროპარი I

ნიშთა და სასწაულთა მოქმედად გამოგაჩინა შენ ღმერთმან, სანატრელო, და მოგცა კელმწიფებაა განსხმად სულთა ბოროტთა და ყოველთავე სნეულებათა კურნებად, რომლისათვისცა გევედრებით: კლარჯეთის სავანეთა კეთილად განმგებლო მოღუაწეო და უქმთა უდაბნოთა ქალაქმყოფელო, მამაო გრიგოლ, მეოხ-გუეყავ მოსავთა შენთა და გვკსენ ყოვლისაგან განსაცდელისა ქრისტეანენი.

დიდებად მამასა და ძესა და წმიდასა სულსა.

ტროპარი II

აღმობრწყინდი ვითარ მთიები ზეცისა სამყაროსა და შეჭურვილმან
მადლითა სულისა წმიდისადათა განაბრწყინვენ სამწყსოდ შენი
ღმრთისმეცნიერებითა, ღირსო, და მიიწიე რაჲ სანახებსა
კლარჯეთისასა, აღმართენ უდაბნოსა შინა მონასტერნი
დიდშუენიერნი სადიდებელად ღმრთისა და საცხოვნებელად სულთა
მრავალთა, მოძღუარო და განმანათლებელო ივერთა ერისაო, ნეტარო
გრიგოლ ხანძთელიო, მეოხ-გუეყავ წინაშე ქრისტჳს მეუფისა და
გვთხოვე წყალობად.

აწ და მარადის და უკუნითი უკუნისამდე, ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად,
უღირსნი ესე მონანი შენნი, რამეთუ არა თუმცა შენ გვფარევდი
ოხითა შენითა, ვინმცა დაგვცვნა ჩუენ აქამომდე ფლობილად;
არასადა განგეშორნეთ ჩუენ, დედოფალო კურთხეულო, რამეთუ შენ
იკსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა
მოწყალებითა შენითა აღვოცე უშჯულოებაჲ ჩემი. უფროდს განმბანე
მე უშჯულოებისა ჩემისაგან და ცოდვათა ჩემთაგან განმწმიდე მე,
რამეთუ უშჯულოებაჲ ჩემი მე უწყი, და ცოდვაჲ ჩემი წინაშე ჩემსა
არს მარადის. შენ მხოლოსა შეგცოდე და ბოროტი შენ წინაშე ვყავ,
რადთა განმართლდე სიტყუათაგან შენთა და სძლო სჯასა შენსა,
რამეთუ ესერა, უშჯულოებათა შინა მიუდგა და ცოდვათა შინა მშვა
მე დედამან ჩემმან. რამეთუ ესერა, ჭეშმარიტებაჲ შეიყუარე, უჩინონი
და დაფარულნი სიბრძნისა შენისანი გამომიცხადენ მე. მასხურო მე
უსუპითა და განვწმიდნე მე, განმბანო მე და უფროდს თოვლისა
განვსპეტაკნე. მასმინო მე გალობად და სიხარული და იხარებდენ
ბუალნი დამდაბლებულნი. გარე მიაქციე პირი შენი ცოდვათა

ჩემთაგან და ყოველნი უმჯულოებანი ჩემნი აღვცენ. გული წმიდად დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისა და სულითა მთავრობისა და დამამტკიცე მე. ვასწავლნე უმჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენა ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხრობდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გონდეს. მსხუერპლ ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღეშენნენ ზღუდენი იერუსალემისანი. მაშინ გონდეს მსხუერპლი სიმართლისა და შესაწირავი და ყოვლად-და-საწუელი, მაშინ შეიწირნენ საკურთხეველსა შენსა ზედა ზუარაკნი.

გალობა 1, უგალობდითსა, ჳმა 7

ძლისპირი: წამის ყოფითა, ღმერთო, ბუნებანი მდინარენი ზღუდედ აღამალენი და მათ შორის განიყვანე ერი ისრაელთაჲ ჳმელად, და გალობდა გალობასა ძლევისასა.

ღირსო მამაო გრიგოლ, მეოხ-გუეყავ მვედრებელთა შენთა.

იყავ სიყრმით შენითგან სამკვდრებელ ღმრთისა და აღიწიე რად თავსა სრულებათასა, შეიმოსე სამღდელოდ სამოსელი სიმართლისა და მადლისა და სიმდაბლჳ გექმნა წინამძღვრად გზასა ჳქმმარიტსა.

ღირსო მამაო გრიგოლ, მეოხ-გუეყავ მვედრებელთა შენთა.

მოსწრაფე იყავ ღმრთისა მიერ აღმრვითა და სამთა მოსაგრეთა თანა დაუტევნე მშობელნი და მოყუასნი თჳსნი, და თანაწარხედ სოფლიოდსა ამის განხრწნადთა საქმეთა.

დიდებაჲ მამასა და ძესა და წმიდასა სულსა.

ყოველივე დიდებაჲ ქუეყანისაჲ დაუტევე და მი-რაჲ-ჰხუედ უდაბნოდ კლარჯეთისაჲ, სიმჴნე დიდი შესძინე უდაბნოს მოყუარეთა და შებმა უყავ ღუაწლსა ფიცხელსა.

აწ და მარადის და უკუნითი უკუნისამდე, ამინ.

დაჴსნდა წყევად ევაჲსი, პირველისა მის დედისაჲ, რაჴამს უსძლომან შვა უაღრესი ბუნებათაჲ, ხოლო ერი მორწმუნეთაჲ, ვითარცა ღირს არს, სამართლად ადიდებენ.

გალობა 3, განძლიერდასა

ძლისპირი: ღმერთო, მაცხოვარო ჩუენო, ყოვლისა დამზადებელო, რომელმან სიტყვთ დაამყარენ ცანი მაღალნი, ყოვლით ძალით მათით და სულითა მით საღმრთოთა დამამტკიცენ ჩუენ ერთობით კლდესა ზედა სარწმუნოებისასა.

ღირსო მამაო გრიგოლ, მეოხ-გუეყავ მვედრებელთა შენთა.

ჩვეულებისა თჴსისაებრ აღეგზნა ეშმაკი წყობად შენდა, გარნა შენ, განათლებულმან მაღლთა სულიერითა, ვითარცა სუეტმან ცეცხლისამან, განაჴენ განსაცდელთა ზღუანი და ვნებათა ზედა განმხრწნელთა სულისათა მოიღენ ძლევანი.

ღირსო მამაო გრიგოლ, მეოხ-გუეყავ მვედრებელთა შენთა.

მაღლმან ღმრთისამან დაიმკჴდრა შენ თანა და ქადაგად ჴმა-მაღლად გამოგაჩინა შენ დაგლაზაკებულისა და დამდაბლებულისა ნათესავისა ჩუენისა, რამეთუ სიღრმესა უმეცრებისასა დანთქმულნი ნათლად აღმოიყვანენ სწავლითა შენითა.

დიდებაჲ მამასა და ძესა და წმიდასა სულსა.

განმადლიერებელმან შენმან ქრისტემან ღმერთმან გამოაცხადნა სიმკნენი ღუაწლთა შენთანი და განჰფინნა ყოველთა კიდეთა ქართლისათა, ხოლო ესმათ რად უდაბნოდსმოყურეთა, რამეთუ ანგელოზებრ იქცეოდი, მოისწრაფდეს ხილვად სიწმიდისა შენისა, და გიხილეს რად, ვითარცა ანგელოზი ზეცისად, აღძრნეს მონებად ღმრთისა.

აწ და მარადის და უკუნითი უკუნისამდე, ამინ.

მკსნელო ჩუენო, ვედრებითა მშობელისა შენისაჲთა მშვედობაჲ სოფელსა მოჰმადლე, და ძლევად მტერთა ჯუარითა მოეც ერსა ჩუენსა ღმრთისმოყუარესა მტერთა ზედა ურწმუნოთა, და შენდობასა ღირს-მყვენ მორწმუნენი.

გვკსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვვლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

მღდელმან: *შეგჳწყალენ ჩუენ, ღმერთო, დიდითა წყალობითა შენითა, კაცთმოყუარე, გევედრებით, ისმინე და შეგჳწყალენ.*

გუნდი: *უფალო, შეგჳწყალენ (3-გზის).*

მღდელმან: *მერმეცა გევედრებით ღმრთივდაცულისა ერისა ჩუენისა და მეუფებისა მისისათვის (ქრისტესმოყუარისა მთავრობისა და მკედრობისა მისისათჳს).*

გუნდი: *უფალო, შეგჳწყალენ (3-გზის).*

მღდელმან: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთათბილისის მთავარეპისკოპოსისა და ბიჭვინთისა და ცხუმ-აფხაზეთის მიტროპოლიტისა, დიდისა მეუფისა, მამისა ჩუენისა ილიასათჳს, და ყოვლადუსამღდელოესისა (აქა მოიხსენეთ ადგილობრივი მღდელთმთავარი), და ყოველთა ქრისტჳს მიერ მმათა ჩუენთათჳს.

გუნდი: უფალო, შეგჳწყალებნ (3-გ ზის).

მღდელმან: მერმეცა ვევედრნეთ უფალსა ღმერთსა ჩუენსა, რადთა შეიწყალოს მონა ანუ მჳევალი (აქა მოიხსენეთ სახელდებით ისინი, ვისთვისაც ევედრებით). განამრავლებნ, უფალო, ჟამნი და წელნი ცხოვრებისა მათისანი და იკსენ იგინი, უფალო, ყოვლისაგან ჳირისა, რისხვისა და იწროებისა, და ყოვლისაგან წყლულებისა სულისა და ჳორცთაჲსა და მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგჳწყალებნ (3-გ ზის).

მღდელმან: მერმეცა გევედრებით ყოველთა მართმადიდებელთა ქრისტეანეთათჳს.

გუნდი: უფალო, შეგჳწყალებნ. (3-გ ზის).

მღდელმან: რამეთუ მოწყალე და კაცთმოყუარე ღმერთი ხარ, და შენდა დიდებასა აღვაჳლებნთ, მამისა, და მისა, და წმიდისა სულისა, აწ და მარადის და უკუნითი უკუნისამდე.

გუნდი: ამინ.

წარდგომაჲ, ჳმაჲ 8.

ჯუარისა აღმღებელმან ცხოვრებაჲ შენი ღმრთისმსახურებითა წარმართე და კლარჯეთისა სანახებნი ქალაქ-ჳყვენ მონაზონთა

სიმრავლითა და აღაშენე ხანძთად და შატბერდი შესაკრებელად მამათა და სადიდებელად ღმრთისა, მისსა მიმართ ვედრებად ნუ დასცხრები შენ, მამათა შორის მკნეო გრიგოლ, რადთა ულხინოს ნათესავსა ჩუენსა და იკსნნეს ქუეყანად წარწყმედისაგან.

გალობად 4, უფალო მესმასა

ძლისპირი: ქრისტე ღმერთო, რომელმან არა დაუტევენ წიალნი იგი მამულნი ზეცას და გარდამოჰკედ ქუეყანად, სმენად შენი მესმა მე და ქებით ვადიდებ ძალსა შენსა.

ღირსო მამაო გრიგოლ, მეოხ-გუეყავ მვედრებელთა შენთა.

მი-რად-ჰხუედი სანახებსა მას უვალსა საშინელსა, ჯერ-ჩინებითა შენითა და შეწევნითა საღმრთოთა აღაშენე ხანძთად და შატბერდი შესაკრებელად სულთა ღმრთის-მოყუარეთა.

ღირსო მამაო გრიგოლ, მეოხ-გუეყავ მვედრებელთა შენთა.

ენამან შენმან, ღირსო, ღმრთის-მეტყუელმან ქუეყანად ჩუენი მოძღურებითა მდინარის სახედ აღავსნა და მორწყნა გულნი უმეცართანი და მოიყვანნა ღმრთის მეცნიერებად.

დიდება მამასა და ძესა და წმიდასა სულსა.

ვითარცა მწყემსმან მღვდარემან, მწვალებელთა სიბორგილენი განაქარვე და სამწყსოსა შენსა ასწავებდი გზასა უცთომელსა, ზეცად აღმყუანებელსა. აწცა დაგვიფარენ მწვალებელთა თანა ლოცვისაგან.

აწ და მარადის და უკუნითი უკუნისამდე, ამინ.

ჰეშმარიტო ღმრთისა დედაო, ევედრე შენ, ძესა შენსა დამბადებელსა, რადთა მიმიძლუეს ჩუენ ნავთსადგურად მყუდროდ და განმარინნეს დანთქმისაგან ცოდვათა ჩუენთასა.

გალობა 5, ღამითგანსა

ძლისპირი: სული მაცხოვარებისად, უფალო, რომელ-იგი მიუდგა გულსა შინა პირველთა წინადაწარმეტყუელთასა და იშვა ქუეყანასა, მან მაუწყა ჩუენ მოსლვად შენი ქუეყანად მორწმუნეთა ცხორებად, და აწ განათლებულნი გალობით გადიდებდით.

ღირსო მამაო გრიგოლ, მეოხ-გუეყავ მვედრებელთა შენთა.

განეფინა რად მაღლი ბაგეთა შენთა, გალობანი საეკლესიონი აღმოსთქუენ აღსავსწ სიტკბოებითა, ხოლო ღმრთისმსახურებად განამდიდრენ შესხმითა წმიდათადათა და წიგნნი სულიერნი დაუუნჯენ ეკლესიათა ჩუენთა.

ღირსო მამაო გრიგოლ, მეოხ-გუეყავ მვედრებელთა შენთა.

მოგემადლა, ნეტარო გრიგოლ, ზესთა სიტყვსა სიბრძნწ და მრავალბრწყინვალწ წინასწარ ცნობად და სამღვდელოდთა შუამდგომელობითა შენითა განსდევნიდი ბნელისა ბოროტისა გარემოდგომასა. ამისთჳს იხარებს ივერთა ეკლესიად და ჰმადლობს შენთჳს ღმერთსა.

დიდება მამასა და ძესა და წმიდასა სულსა.

მსგავსად მზისა განბრწყინდეს ძალნი იგი სასწაულთანი, შენ მიერ აღსრულებულნი უდაბნოსა შინა, საღმრთოდსა მიერ მაღლისა, რომლისა მიერ განსდიდდი, ღმრთისმოყუარეო გრიგოლ, არად მხოლოდ ივერთ ქუეყანასა, არამედ ყოველსა სოფელსა.

აწ და მარადის და უკუნითი უკუნისამდე, ამინ.

ცანი და ქუეყანად განათლდეს შენ მიერ, უქორწინებელო დედაო იესუდსო, რამეთუ გამოგზბრწყინვე შენ ნათელი დაუშრეტელი, ღმერთი ყოველთად, რომელმან ბნელსა შინა შეეყენებულნი მიჴსნნა და ზეცისა სასუფეველისა მკჳდრად გჴჩინნა.

გალობა 6, ღალადყავსა

ძლისპირი: დანთქმული ღელვათა სოფლისა ამის განსაცდელთა ნავითა ცოდვისათა შთავრდომილი და მიგდებული მკეცსა სულთა მომსრველსა, გიღალადებ: ვითარცა იონა განკრწნისაგან და სიკუდილისა მიკსენ, ქრისტე.

ღირსო მამაო გრიგოლ, მეოხ-გუეყავ მვედრებელთა შენთა.

რომელმან დაუმკვდრე კურთხევად სახლსა გაბრიელ მთავრისასა, და მკურვალე შუამდგომელად გამოუჩნდი წინაშე ღმრთისა, მოგუეც ჩუენ მამობრივისა შენისა გულმოწყალებისა მდიდარნი კურთხევანი, რადთა წინა აღუდგეთ ეშმაკისა საფრცეთა და ზაკუვათა კაცისათა.

ღირსო მამაო გრიგოლ, მეოხ-გუეყავ მვედრებელთა შენთა.

ვითარცა სამოელ, მხილველ-იქმენ სულითა, და მეფეთაცა შეჭურვიდი სწავლათა შენთა მიერ და განამკნობდი ლოცვითა და ილუწიდი მათთჳს სულიერად წინაშე ღმრთისა, კსნად განსაცდელთაგან, აწ გკვსენ ჩუენ ბოროტისაგან და განგვარინენ ღელვათაგან ცოდვისათა.

დიდება მამასა და ძესა და წმიდასა სულსა.

ვითარცა შენ მიერ განმკნობილი მეფე აშოტ მძლე ექმნა აგარისტომთა და „სამეფოდ ქარ-თლისად“ კუალად აღადგინა, ეგრეთცა სიმკნე და მძლეველობად ყოველთა მაჭირვებელთა ზედა გარდამოგვივლინე და დაკსენ ზახებად ურიცხვთა მტერთა ჩუენთა.

აწ და მარადის და უკუნითი უკუნისამდე, ამინ.

წინაღწარ მოასწავა საიდუმლოდ შენი, ქალწულო, პირველ კიდობანმან შჯულისამან, შემწყნარებელმან საღმრთოთა წერილთამან, და ტაკუკმან ოქროდსამან, სამკვდრებელმან მანანადსამან და კუერთხმან.

გვკსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი შემდგომად ღმრთისა შენდა მოვკლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ყოვლადქებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

მღდელმან: მერმე და მერმე მშჳდობით უფლისა მიმართ ვილოცოთ.

გუნდი: უფალო, შეგჳწყალოენ.

მღდელმან: შეგუეწიენ, გუაცხოვნენ, შეგჳწყალოენ და დაგუცვენ ჩუენ, ღმერთო, შენითა მადლითა.

გუნდი: უფალო, შეგჳწყალოენ.

მღდელმან: ყოვლადწმიდისა, უხრწნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომჳსენებელთა, თავნი თჳსნი და ურთიერთარს, და ყოველი ცხოვრებაჲ ჩუენი ქრისტესა ღმერთსა ჩუენსა შევკედროთ.

გუნდი: შენ, უფალო.

მღდელმან: რამეთუ შენ ხარ მეუფჳ მშჳდობისაჲ, და მაცხოვარი სულთა ჩუენთა, და შენდა დიდებასა აღუავლოენტ მამისა, და ძისა, და წმიდისა სულისა, აჴ და მარადის, და უკუნითი უკუნისამდე, ამინ.

გუნდი: ამინ.

კონდაკი. ჳმაჲ 2

უღელი იგი ქრისტესი მიიღე, მამაო გრიგოლ, და მწართა შენთა ზედა იტვრთე ჯუარი მისი, ვნებათა მისთა საღმრთოთა საწერტელად ყოვლადწმიდად ჯორცთა შინა შენთა მტვრთველმან, რომლისათვისცა საღმრთოჲსა დიდებისა მისისა ზიარად გამოსჩნდი, მომგებელი ჯილდოდ ღირსებისა მოსაგებელსა.

მღდელმან: მოხედენ, სიბრძნით. წარდგომა ჯმაჲ 4

პატიოსან-არს წინაშე უფლისა სიკუდილი წმიდათა მისთა.

მუხლი: უგალობდეთ ღირსნი მისნი უფალსა.

მღდელმან: უფლისა მიმართ ვილოცოთ.

გუნდი: უფალო, შეგჯყალენ.

მღდელმან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაგლენთ, მამისა, და მისა და წმიდისა სულისა, აწ და მარადის, და უკუნიითი უკუნისამდე,

გუნდი: ამინ.

მღდელმან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელმან: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჯყალენ (3-გ ზის).

მღდელმან: სიბრძნით აღემართენით და ისმინეთ წმიდა სახარება, მშჯდობაჲ ყოველთა.

გუნდი: და სულისაჲ შენისა თანა.

მღდელმან: ლუკასაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელმან: მოხედენ.

სახარება ლუკასი

ჰრქუა უფალმან თვსთა მოწაფეთა, ნეტარ-ხართ გლახაკნი სულითა, რამეთუ თქუენი არს სასუფეველი ღმრთისაჲ. ნეტარ-ხართ თქუენ, რომელთა გშიის აწ, რამეთუ განჰსძლეთ. ნეტარ-ხართ რომელნი ჰსტირთ აწ, რამეთუ იცინოდეთ. ნეტარ-იყუნეთ რაჟამს მოგიძულნენ თქუენ კაცთა და ოდეს გამოგასცნენ და გაყუედრებდენ და განჰადონ სახელი თქუენი, ვითარცა ბოროტთაჲ მისათვის კაცისა. გიხაროდენ მას დღესა შინა და მხიარულ იყუენით, რამეთუ აჰა, ესერა სასყიდელი თქუენი მრავალ – არს ცათა შინა.

გუნდი: დიდებაჲ შენდა, უფალო, დიდებაჲ შენდა.

დიდებაჲ მამასა და ძესა და წმიდასა სულსა.

მეოხებითა ღირსისა მამისა ჩუენისა გრიგოლისაჲთა, მოწყალო, აღკოცენ ცოდვათა ჩუენთა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისაჲთა, მოწყალო, აღკოცე ცოდვათა ჩუენთა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა, აღკოცე უშჯულოებანი ჩემი და შემიწყალე მე, ღმერთო.

გერი: ჭეშმარიტად გამოსჩნდი მწყემსად საკვრველად და სამწყსოდ შენი შეზღუდვით მოციქულთა და მღვდელთმოდლუართა მიერ განსაზღვრებულითა კანონითა და განამდიდრენ სწავლითა საღმრთოთა, ამისთვსცა ჰპოვე სასყიდელი შრომათა შენთა ზეცათა შინა და საუკუნესა სუფევასა ღირს-იქმენ დამკვდრებად, გვითხოვე ქრისტეს ღმრთისაგან მოტევებად ცოდვათა, და ჰსნად განსაცდელთაგან, და სულთა ჩუენთათვს დიდი წყალობად.

მღვდელმან: აცხოვნე, ღმერთო, ერი შენი, და აკურთხე სამკვდრებელი შენი, მოხედენ სოფელსა შენსა წყალობითა და მოწყალებითა, აღამალე რქად ქრისტეანეთა მართლმადიდებელთა, და გარდამოავლინენ ჩუენ ზედა მდიდარნი წყალობანი შენნი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისადათა, ძლიერებითა პატიოსნისა და ცხოველსმყოფელისა ჯუარისადათა, ძლიერებითა ჯუარისა ვაზისადათა; მეოხებითა პატიოსანთა უსხეულოთა ზეცისა ძალთადათა, პატიოსნისა, დიდებულისა, წინასწარმეტყუელისა, წინამორბდისა და ნათლისმცემელისა იოვანესითა, წმიდისა წინასწარმეტყუელისა ილია თეზბიტელისა და მართლისა ენუქისითა, წმიდათა დიდებულთა, და ყოვლად-ქებულთა მოციქულთა თავთა, პეტრესა და პავლესითა, წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა და მატათასითა; წმიდისა დედისა ჩუენისა, მოციქულთა სწორისა ქალწულისა ნინოდსითა, წმიდა მოციქულთა სწორთა: მეფისა მირიანისა და დედოფლისა ნანადსითა; წმიდათა შორის მამათა ჩუენთა, და მსოფლიოთა დიდთა მოძლუართა და მღვდელთმთავართა, ბასილი დიდისა, გრიგოლი ღმრთისმეტყუელისა, და იოვანე ოქროპირისადათა; წმიდათა და საკვრველთმოქმედთა მამათა ჩუენთა: ნიკოლოზ მრონლუკიის მთავარეპისკოპოსისა და სპირიდონ ტრიმიფუნტელისადათა; წმიდისა ღირსისა მამისა ჩუენისა იოვანე ზედაზნელისა და ათორმეტთა

მისთა მოწაფეთა, მეორედ განმანათლებელთა საქართველოს
 ეკლესიისა და მარად მფარველთა მისთა. წმიდათა დიდებულთა და
 ლუაწლისა-მძლეთა მოწამეთა: წმიდისა მთავარმოწამისა
 ძლევამოსილისა გიორგისა და წმიდათა დიდთა ქალწულ-
 მოწამეთა ბარბარცსა და მარინცსითა; წმიდისა მღდელ-მოწამისა
 ნეოფიტე ურბნე-ლისა და წმიდისა დიდისა მოწამისა აბო
 ტფილელისაითა; წმიდათა დიდებულთა მოწამეთა არგვეთის
 მთავართა დავით და კონსტანტინცსა; წმიდათა ათთა-ბევრთა
 მოწამეთა, ტფილისს ხუარაზმელთაგან მოწყუედილთა და წმიდისა
 დიდისა მოწამი-სა შალვა ახალციხელისაითა; წმიდისა მთავარ-
 მოწამისა ბიძინასა და წმიდათა დიდებულთა მოწამეთა: შალვა და
 ელიზბარ ქსნის ერისთავთაითა; წმიდათა მოწამეთა ექვსი ათასთა
 გარეჯელთა ბერთა; ღმრთივ-განბრძნობილთა ნეტართა მამათა:
 ილარიონ ქართველისა და სერაპიონ ზარზმელისაითა, ღირსთა
 მამათა ჩუენთა ათონელთა: იოვანესი, გაბრიელისა, იოვანე-თორნიკ-
 ყოფილისა, ეფთჳმისა და გიორგისითა; წმიდათა კეთილ-
 მორწმუნეთა და დიდთა მეფეთა ჩუენთა: ვახტანგ გორგასალისა,
 აშოტ კურაპალატისა, დავით აღმაშენებელისა და სოლომონისაითა;
 წმიდისა და კეთილმსახურისა მეფისა თამარისითა; წმიდათა
 კეთილად მძლეთა მეფეთა და დედოფალთა: არჩილ, დემეტრე,
 შუშანიკ, ქეთევან და ლუარსაბისაითა; წმიდისა ილია
 მართლისაითა; წმიდათა და მართალთა მშობელთა ღმრთის-
 მშობელისა იოაკიმ და ანნადსითა, და ღირსისა და
 ღმერთმემოსილისა მამისა ჩუენისა გრიგოლ ხანძთელისაითა და
 ყოველთა წმიდათა შენთაითა, გევედრებით შენ, მრავალმოწყალო
 ღმერთო, შეისმინე ჩუენ ცოდვილთა ვედრებად, და შეგვწყალებ ჩუენ.

გუნდი: უფალო, შეგვწყალებ (12-გზის).

მღდელმან: წყალობითა და მოწყალებითა და კაცთმოყუარებითა
 მხოლოდშობილისა ძისა შენისაითა, რომლისა თანა კურთხეულ ხარ,

თანა ყოვლადწმიდით, სახიერით, და ცხოველსმოფელით სულით
შენითურთ, აწ და მარადის და უკუნითი უკუნისამდე. გუნდი: ამინ.

გალობა 7, კურთხეულარსა

ძლისპირი: ყრმათა ბაბილონს საჯუმილსა მას შინა ცუარი ეცურია
ზეგარდამოდ. ღმრთისა მიერ ღაღადებდეს და იტყოდეს: კურთხეულ-
ხარ, უფალო მამათა ჩუენთაო, ღმერთო უკუნისამდე.

ღირსო მამაო გრიგოლ, მეოხ-გუეყავ მვედრებელთა შენთა.

საიდუმლოთა საღმრთოთა შესწირევდი, ვითარცა მღდელი
სარწმუნოდ, მობაძავი მკსნელისად, და ეშმაკნი დასწუენ ცეცხლებრ
საჯუმილითა ლოცვათა შენთადთა: „მამათა ჩუენთა ღმერთო,
კურთხეულ-ხარ შენ“.

ღირსო მამაო გრიგოლ, მეოხ-გუეყავ მვედრებელთა შენთა.

უფალმან მოგცა, გრიგოლ, ძალი სულთა ზედა ბოროტთა და
განასხემდი მათგან, რომელთაცა სტანჯვიდეს,
განთავისუფლდებოდეს და ღაღადებდეს: „მამათა ჩუენთა ღმერთო,
კურთხეულ-ხარ შენ“.

დიდებაჲ მამასა და ძესა და წმიდასა სულსა.

ზარი აჰხდათ მადლთაგან სიწმიდეთა შენთადთა და
დიდებულებისაგან პირისა შენისა მეფეთა და ყოველთა ერთა, და
მადლობითა უგალობდენ ღმერთსა: „მამათა ჩუენთა ღმერთო,
კურთხეულ-ხარ შენ“.

აწ და მარადის და უკუნითი უკუნისამდე, ამინ.

გიხაროდენ შენ, ასულო ადამისო, გიხაროდენ, სძალო ღმრთისაო,
გიხაროდენ, მშობელო მაცხოვრისაო, რომელმან დაიტყე შემოქმედი
შენი, მეოხ-გუეყავ მარადის.

გალობა 8, აკურთხევდითსა

ძლისპირი: შეუწუელმან მაყუალმან სინას აუწყა ღმერთი მოსეს, ჯმითა წულილსა და ენა-მძიმესა, და შურმან საღმრთომან ყრმანი იკსნნა საჯუმილისაგან და გალობით ღაღადებდეს: ყოველნი საქმენი აკურთხევდით დღეს ღმერთსა და უფალსა, უგალობდით და ამალლებდით მას უკუნისამდე.

ღირსო მამაო გრიგოლ, მეოხ-გუეყავ მვედრებელთა შენთა.

მეტყუელებდი რაღ დიდებასა ღმრთისასა, უადრეს რიტორთასა, საფუძველი მტკიცე დაუდევ საღმრთოდაც ცხორებისა მოსურნეთა და სახე კეთილისაჲ ექმენი თვსტომთა შენთა. შეიწირე აწ გულს-მოდგინებაჲ ჩემი და განმარინე ღელვათა და ვნებათაგან ყოვლად წარმწყმედელთა.

ღირსო მამაო გრიგოლ, მეოხ-გუეყავ მვედრებელთა შენთა.

რომელმან არად შერაცხენ ქადებაჲ უკეთურისა მის ცქირისაჲ და საღმრთოდთა შურისგებითა მოაშთვე მგელ-ღმრთისმსახური მტერი ეკლესიისაჲ, მტერი იგი მომსრველი მო-რწმუნეთა ქართველთაჲ დაამჯუე და ერსა ჩუენსა ზედა აღმრულნი უკეთურთა ზრახვანი განაქარვე ძალითა ქრისტესითა.

დიდებაჲ მამასა და ძესა და წმიდასა სულსა.

ვითარცა გამოუჩნდი შენ ჯელმწიფეთა, საკვრველი ეგე დიდებული მამაჲ, და შეზღუდენ ღირსებითა და სიძართლითა, ეგრეთვე აწ ჩუენცა განგვიმრავლნე ყოვლისა ქართველთ ზნეობითა სრულ-ყოფილნი ერის-მძღუარნი, რადთა ზრუნვიდენ ერისათჳს და აქებდეს ქრისტესა ღმერთსა.

აწ და მარადის და უკუნითი უკუნისამდე, ამინ.

სამთა მათ ყრმათა ბაბილონს საჯუმილსა შინა სამებასა თაყუანის-
სცეს და შეურაცხ-ყვეს ხატი იგი ოქროდსად, და ცურითა
სხურებულნი გალობით ღაღადებდეს: ყოველნი საქმენი
აკურთხევდით დღეს ღმერთსა და უფალსა, უგალობდით და
ამაღლებდით მას უკუნისამდე.

გალობა 9, ადიდებდითსა

ძლისპირი: მტკრთველმან გამოუცდელმან უბრწნელებისამან,
სიტყუასა დამბადებელსა ავასხა ბუნებათა. მოვედ, უბიწო
ქალწულო, ღმრთისმშობელო, შენგან შობილსა თანა მასწავე
მორწმუნეთა, რადთა ღირს ვიქმნეთ ჩუენ დიდებად შენდა.

ღირსო მამაო გრიგოლ, მეოხ-გუეყავ მვედრებელთა შენთა.

უბიწოებითა განჰვლე საწუთროდ, ვითარცა ანგელოზმან
ღმრთისამან, და შეჰვედრე რად სული თჳსი უფალსა, ზეცათა შინა
ჰპოვე სასყიდელი შრომათა შენთად და ნათელსა სამარადისოსა,
რომლისა გსუროდა, აწ მკჳდრ ხარ, მამაო, ნუ დამივიწყებ
მვედრებელთა შენთა.

ღირსო მამაო გრიგოლ, მეოხ-გუეყავ მვედრებელთა შენთა.

ზღუდედ საღმრთოდ, სიმტკიცედ და კეთილად შესავედრებელად
მოგიგო რად ივერთა ქუეყანამან, მამაო, ერი შენი, წილ-ხვდომილი
ღმრთისმშობლისად, მარადის ითხოვს შენ მიერ შეწევნასა, და შენცა
ხატთა მიერ გამოწერილთა და ვედრებათა მოჰსენებული კუალად
ჰკურნებ შევედრებულთა შენთა და იცსნი განსაცდელთაგან.

დიდება მამასა და ძესა და წმიდასა სულსა.

აწ კუალად მოგეახლებით მყუდროსა ნავსაყუდელსა და მფარველსა
ერისა ჩუენისასა, თაყუანის-ვჰსცემთ წმიდასა ხატსა შენსა და

გევედრებით: ღირსო მამაო გრიგოლ, მოსავთა შენთა მოგუხედენ და გვკსენ მოწევნადთა ჭირთა და ურვათაგან.

აწ და მარადის და უკუნითი უკუნისამდე, ამინ.

ძუელი შჯული მოგასწავებს, ქალწულო წმიდაო, და ახალი აღგიარებს ღმრთისმშობლად, უსძლოო, და ჩუენ მორწმუნენი სარწმუნოებით ვიტყვთ: მშობელო სიტყვსაო, ვედრებად ნუ დასცხრები ღმრთისა მიმართ მოსავთა შენთათჳს.

ღირს არს ჭეშმარიტად რაჲთა გადიდებდეთ შენ, ღმრთის-მშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა, უპატიოსნესსა ქერუბიმთასა და აღმატებით უზესთაესსა სერაფიმთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებდეთ.

მღდელმან აკმიოს.

ჯელნი აღვაპყროთ აწ, მორწმუნენო, და შევამკობდეთ ზეცით მონიჭებულსა სიმტკიცესა მართლმადიდებლობისასა და სიხარულსა ეკლესიათასა, მღდელთა სიქადულსა და ყოვლად ბრწყინვალესა მნათობსა ღმრთისმსახურებისასა, რომელმანცა ღუაწლი კეთილი მოიღუაწა, ვითარ-იგი მოგვითხრობს ღირსი გიორგი მერჩული, და ვადიდებდეთ მომცემელსა მისდა სასწაულთა საკვრველთასა.

ვითარცა საღმრთოსა მოშურნესა და შემწესა დიდსა აღგძრავთ შენ მეოხებად ღმრთისა მიმართ ჩუენისა, რაჲთა მოიხილოს ერსა თჳსსა ზედა, რომელსა არა აქუს სიტყვსგებაჲ წინაშე მისა, და დაკსნას სენი იგი სოდომელთაჲ და საღმობასა გომორელთასა განგვარინოს მეოხებითა შენითა.

ვითარცა ძუელად ითხოვე ერისა შენისათჳს გამოკსნაჲ ღელვათაგან მძვნვარეთა, ეგრეთვე აწ გვაქუს მეოხებაჲ შენი ქრისტჳს მიმართ, რაჲთა განათავისუფლოს ქუეყანაჲ ჩუენი მძლავრებისაგან მტერისა,

და დაიფაროს სატანისა მაკეთაგან და სჯულისაგან უცხოისა საზეპუროდ ერი ივერიისაჲ.

დაღაცა-თუ სანახებნი კლარჯეთისანი დადუმებულ-არს, იქადის ხანძთაჲ და შატბერდი შენთა შრომათათჳს მათ შორის აღსრულებულთა, ხოლო ჩუენ გულსმოდგინედ მოვისწრაფით სავანეთა შენთა, აწ დარღვეულთა და დაკნინებულთა, რადთა არა მხოლოდ ვილოცოთცა, არამედ მუნცა დავემკვდროთ, სამგზის სანატრელო მამაო გრიგოლ, და მარადის ვმსახურებდეთ პატიოსანთა ძუალთა შენთა საყოფელსა.

ჴ, სასწაულთმოქმედო მამაო გრიგოლ! შეგვ აწყნარე მფარველსა ჩუენსა ღმრთისმშობელსა, რადთა მოგვცეს ჩუენ სიბრძნჳ გულისხმვის-ყოფად კეთილისა და ბოროტისა და მამულისა ჩუენისა კაცთა წესისაებრ ღირს გვყოს გალობად ყოვლად წმიდისა სამეხისა:

წმიდაო ღმერთო, წმიდაო ძლიერო, წმიდაო უკუდაო, შეგჴწყალენ ჩუენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამეხო, შეგჴწყალენ ჩუენ; უფალო, გჴცსენ და გჴლხინე ცოდვათა ჩუენთაგან; მეუფეო, შეგჴნდვენ უმჯულოებანი ჩუენნი; წმიდაო მოიხილე და განჴკურნენ უძლურებანი ჩუენნი სახელისა შენისათჳს. უფალო, შეგჴწყალენ (3-გზის). დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევენ

თანამდებობა მათ ჩუენთა და ნუ შემიყუანებ ჩუენ განსაცდელსა, არამედ მივსნენ ჩუენ ბოროტისაგან.

მღდელმან: რამეთუ შენი არს სუფევად...

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყვს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შემიწყალენ ჩუენ.

დიდებაჲ მამასა და ძესა და წმიდასა სულსა,

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩუენ ფრიად, და ნუცა მოივსენებ უმჯულოებათა ჩუენთა, არამედ მოიხილე ჩუენზედა წყალობითა, ვითარცა სახიერ ხარ, და გვკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ჳელთა შენთანი ვართ და სახელი შენი წოდებულ არს ჩუენ ჳედა და შემიწყალენ ჩუენ.

აწ და მარადის და უკუნითი უკუნისამდე, ამინ.

მოწყალებისა კარი განგვლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხო-რებაჲ ნათესავისა ქრისტეანეთაჲსა.

მღდელმან: შეგვწყალენ ჩუენ, ღმერთო, დიდითა წყალობითა შენითა, გევედრებით, ისმინე და შეგვწყალენ.

გუნდი: უფალო, შეგვწყალენ (3-გზის).

მღდელმან: მერმეცა გევედრებით, წყალობისა, სიცოცხლისა, მშჳდობისა, სიმრთელისა, დღეგრძელობისა, ცხორებისა, განათლებისა, მოტევეებისა, კეთილად წარმართებისა და

მყუდროებისა მონათა (ანუ მკვევალთა) ღმრთისადთა და ყოველთა მშლთა ჩუენისა ეკლესიისადთა, რადთა დაიცვას უფალმან ღმერთმან ჩუენმან სამეუფოდ ქალაქი ესე ჩუენი და წმიდად ესე ეკლესია და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახვლისა, უცხო-თესლთა ზედა მოსლვსაგან, ბრძოლისა და სიკუდიდშემოსილისა წყლოულებისა, რადთა მოწყალე გუექმნეს ჩუენ ღმერთი კეთილად დგომისათჳს სახიერებითა და კაცთმოყუარებითა თჳსითა, და გარეწარაქციოს რისხვად, მარად დღე ჩუენ ზედა მომავალი, და გვკსნეს ჩუენ სამართლად ჩუენ ზედა მოწევნულისა რისხვისაგან, და შეგვწყალნეს ჩუენ.

გუნდი: უფალო, შეგვწყალენ (40-გ ზის).

მღდელმან: შეისმინე ჩუენი, ღმერთო, მაცხოვარო ჩუენო, სასოო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელ, და მოწყალე ექმენ შეცოდებათა ჩუენთა, და შეგვწყალენ ჩუენ, რამეთუ მოწყალე და კაცთმოყუარე ღმერთი ხარ და შენდა დიდებასა აღვაგლონთ, მამისა, და ძისა, და სულისა წმიდისა, აჲ და მარადის, და უკუნითი უკუნისამდე.

გუნდი: ამინ.

სავედრებელი ლოცვა

ჴ, ნათელ-ცისკროვნო ვარსკულავო უდაბნოდსაო, განმანათლებელო ივერთა მიწა-წყლისაო და ყოველთა მკვდრთა მისთაო, ზეცით მონიჭებულო სიმტკიცეო მართლმადიდებელთაო და დიდო არქიმანდრიტო კლარჯეთისა სავანეთაო, თანამზრახუალო და მოდასეო ანგელოზთაო და წინამძღუარო მონაზონთაო, მამათა სიქადულო, მთავართა დიდებაო და მკედართა ძლიერებაო, ჴელმწიფეთა თუალუხვავად მამხილებელო და კუერთხითა

სწავლისათა განმსწავლელო, მრავალთა სასწაულთა მოქმედო,
ღირსო მამაო ჩუენო გრიგოლ ხანძთელიო!

ჟ, ყოვლად ნეტარო მამაო და წმიდაო მოღუაწეო,
საკვრველთმოქმედო გრიგოლ ხანძთელიო! სრულ-ჰყავ რად სრბად
შენი და მიიცუალე წინაშე ღმრთისა, არადვე დაუტევენ ობლად
მოწაფენი და მოსურნენი თჳსნი, არამედ მამობრივითა მეოხებითა
შენითა მსწრაფლ შეეწევი სულთაგან არაწმიდათა შეპყრობილთა და
ყოველთა მვედრებელთა შენთა მოსცემ ღბინებასა, გარნა აწ
მთავარნი უსჯულოებისანი აღძრულ არიან ჩუენ ზედა და ილუწიან
განხრწნასა და აღსპობასა ერისა ჩუენისასა, ხოლო ჩუენ ძილის
დაკსნილებასა მივცემივართ და ვერცაღა ძალ-გვიძს წინა-აღდგომად
მათთა. ამისთჳსცა გუაქუს მეოხებად შენი ქრისტჳს მიმართ, ღირს-
გვყოს წინასწარმეტყუელებათა შენთა აღსრულებისა და მოგვცეს
მეფჳ, სარწმუნოდ და მართალი, მმართველად და წინამძღურად,
ვითარცა დავით ისრაელთა, რადთამცა კეთილად განაგებდეს და
იურვოდეს ღმრთისმშობლის წილხვედრსა ერსა ჩუენსა,
მტვრთველსა საუფლოდსა ჯუარისასა ქუეყანასა ზედა, და
აღადგენდეს მამულისა ჩუენისა ერთობასა და აღამაღლებდეს
ღირსებასა და ძლიერებასა ქუეყანისა და ნათასავისა ჩუენისასა.
განამღიერე მსახურებასა შინა უწმიდესი და უნეტარესი, სრულიად
საქართველოდს კათალიკოს-პატრიარქი, მცხეთა-თბილისის
მთავარეპისკოპოსი და ბიჭვინთისა და ცხუმ-აფხაზეთის
მიტროპოლიტი, დიდი მეუფჳ, მამად ჩუენი ილია,
ყოვლადსამღდელონი მიტროპოლიტნი, მთავარეპისკოპოსნი და
ეპისკოპოსნი, პატიოსანნი მღდელნი, ქრისტეს მიერ დიაკონნი და
ყოველნი სამონაზვნო წესნი, ზიარნი მართლმადიდებელისა
ეკლესიისანი, ხოლო კეთილისმყოფელნი ჩუენნი და ყოველნი
მართლმადიდებელნი ქრისტეანენი დაიცვენ პატიო-სნითა
მეოხებითა შენითა.

ჰ, მწყემსო ჭემმარიტო ქრისტეს სამწყსოთაო და დიდო წინამძღუარო მამათაო, ივერთა ეკლესიისა მნათობო და შესავედრებელო და ძალო სარწმუნოებითა შენდამი შევრდომილთაო, შეგვეწიენ აღმოსლვად სიღრმეთაგან ცოდვათაჲსა და ღმობიერად ევედრე ღმერთსა, რადთა მოჰმადლოს ეკლესიათა დიდებაჲ, სამღდელოთა პატიოსნებაჲ, მთავართა კეთილად მწყსად ერისაჲ, მკედართა მამაცობაჲ, ერისაგანთა უცოდველობაჲ, დედათა კრძალულებაჲ და შვილთა კეთილ-ზრდილობაჲ, ხოლო ჩუენ აღგვიდგინოს სიმართლის მოყუარებაჲ და მკნეობაჲ სულისაჲ, მრავალშვილიანობაჲ, ქვრივობოლთა შეწყალებაჲ და ურთიერთთანადგომაჲ. მოგუანიჭოს სიწმიდით ცხოვრებისა სიყუარული, უჯეროთა საქმეთა სიმუღვილი და გულისა შემუსრვლებაჲ, წმიდათა თანა გვრგვნოსნებაჲ და ცათა სასუფეველისა დამკვდრებაჲ, რადთა ჩუენცა შენ თანა ვადიდებდეთ მამასა და ძესა და წმიდასა სულსა, აჲ და მარადის, და უკუნითი უკუნისამდე, ამინ.

მღდელომან: სიბრძნით!

ყოვლადწმიდაო ღმრთისმშობელო, გუაცხოვნენ ჩუენ.

გუნდი: უპატიოსნესსა ქერუბიმთასა და აღმატებით უზესთაესსა სერაბინთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით ვადიდებდეთ.

მღდელომან: დიდებაჲ შენდა, ღმერთო ჩუენო, დიდებაჲ შენდა.

გუნდი: დიდებაჲ მამასა და ძესა და წმიდასა სულსა, აჲ და მარადის და უკუნითი უკუნისამდე, ამინ.

უფალო, შეგვწყალებ. (3-გ ზის). გუაკურთხენ.

მღდელომან: ჩამოილოცოს.

გუნდი: ამინ.

ერისკაცმან: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგვწყალებნ (3-გზის).

უფალო, იესუ ქრისტე, ძეო ღმრთისაო, მეოხებითა ყოვლადწმიდისა დედისა შენისაჲთა, მადლითა და ღოცვითა ღირსისა მამისა ჩუენისა გრიგოლ ხანძთელისაჲთა და ყოველთა წმიდათათა, შეგვწყალებნ ჩუენ, ამინ.

ხატისა მისისა მთხვევასა ზედა ვგალობთ ესრეთ:

ქრისტეს მოძღურებისა განმტკიცებითა შემწედ უძლეველად და სუეტად გამოსჩნდი ივერთა ეკლესიისად და წინამბრძოლად სარწმუნოებისად, ხოლო შემდგომად სიკუდილისა შეწევნითა საღმრთოდთა ჰკურნებ სენთა და მრავალსახეთა საღმობათა და მსწრაფლ შეეწევი სულთაგან არაწმიდათა შეპყრობილთა.

დედოფალო მარიამ, მოგუხედენ სარწმუნოებით ამბორის-მყოფელთა პატიოსანისა ხატისა მამისა ჩუენისა, წმიდისა გრიგოლისა, რომელი ეგე იქმნა შუენიერებაჲ ეკლესიისად, ხოლო მადლი მისი და წყალობაჲ შენი თანა-მეყავნ ჩუენ ყოველთა დღეთა ცხორებისა ჩუენისათა.

ავტორ-შემდგენელი: თინათინ მჭედლიშვილი

